



©STEVE CREITZ - PROPHECYART.COM

PEMENANG PENGERINDU ALLAH TAALA

“Aku lalu ninga nyawa ti inggar
bejaku ari kerusi diraja nya,
'Diatu Allah Taala deka diau
enggau nembiaak Iya! Iya deka
diau enggau sida, lalu sida deka
nyadika nembiaak Iya, lalu Allah
Taala Empu deka begulai enggau
sida, lalu nyadi Allah Taala sida.
Iya deka ngendas semua ai mata
ari mata sida, lalu pematina dai
agi, nadai agi ngulit, nadai agi
nyabak, nadai agi pedis, laban
utai ti lama nyau nadai agi' ”

(Pemandang 21:3, 4)



Laya besai, ke alai Sitan angkat ngelaban perintah Allah Taala, enggau jampat deka datai ba ujung.

Lebuh penusah tu nyau datai ba pengujung, kitai enda deka diteju dalam pemetang: Allah Taala menang, Sitan alah.

Penerang pasal perang ti penudi dipadah enggau silik dalam Bup Kudus.



- ➡ Timpuh tusah enggau pengelepas.
- ➡ Timpuh takut enggau pengaga.
- ➡ Timpuh sunyi enggau pengakim.
- ➡ Timpuh pengidup enggau pemat.
- ➡ Timpuh rindu enggau dikerindu.

TIMPUH TUSAH ENGGAU PENGELEPAS

"Hari ti jai deka datai. Nadai hari bukai ulih dibandingka enggau hari nya, maya bala nemiak Aku deka balat tusah, tang sida deka mengkang idup" (Jeremiah 30:7)

"Kita idup ba timpuh pengujung. Kelai-kelai ke udah nyadi enggau jampat madahka penatai Kristus udah semak. Hari ke alai kita diau endang hari ti beguna amat (EGW, T19, 11). Nama pekara-pekara ti nyadi nya?"

Pem. 22:11



Pechara tembu lalu genap kes udah ditentu. Pintu pengasih pen tutup.

Isa. 8:21-22; Jer. 30:7



Timpuh penusah. Orang ti bedosa ngereja pengawa enggau nadai agi sekat, lalu orang ke lurus nadai nemu sekaligus dosa sida udah diampun.

Pem. 15:7-8; Mas. 27:5



Tujuh iti kudi lalu ninggang orang ti enda nesal. Bala nemiak Tuhan dijaga sereta diintu.

Pem. 16:14; 1 John. 3:2-3



Genap raban orang tu bersedia deka betemu enggau Jesus. Seraban deka ngelaban Iya, lalu seraban agi enggau ati ti gaga nerima penatai Iya.

Lebuh Jesus nutup pengawa Iya nyadi pengentara, Roh Kudus lalu angkat ninggalka orang ti enda nesal, nya alai nasip genap iku orang pen dichop. Orang ke taluk agi majak ditulung enggau dijaga Tuhan, orang ke bedosa lalu idup semina bepanggai ba pengasih Sitan. Genap iku orang deka mandangka perangai ba sapa ke disembah Iya.

TIMPUH TAKUT ENGGAU PENGAGA

"Sida ngangauka bukit, enggau ngangauka batu, 'Tinggang kami lalu lalaika kami ari Iya ke duduk ba kerusi diraja, enggau ari pengeringat Anak Domba' " (Pemandang 6:16)

Sida nulak undang-undang Allah Taala; sida nulak ai pengidup lalu numbakka diri empu telaga pesuk (Jer. 2: 13).

Diatu sida betunga mua enggau akim. Sida semina ulih ngarapka pengeringat enggau ukum. Sapa deka ngelepaska sida (Isa. 2:19; Pem. 6:16).



"Lebuh utai nya nyadi, genap iku orang deka nyebut, Iya endang Allah Taala kitai! Kitai udah manggaika pengarap kitai ba Iya, lalu Iya udah nyelamatkan kitai. Iya nya meh TUHAN! Kitai udah manggaika pengarap kitai ba Iya, lalu diatu kitai lantang sereta rami gaga, laban Iya udah nyelamatkan kitai" (Isaiah 25:9)



Sida udah talukka pesan Tuhan; sida udah ngirup ai pengidup (Pem. 21:6). Diatu sida mega betunga mua enggau akim. Sida ngarapka penyelamat. Bakani alai sida enda meri puji? (Isa. 25:9; Pem. 15: 3-4).

Sitan ringat ngagai raban tugau (Pem. 12:17)

Iya ngasuh genap iku orang nyembah iya sereta senurutka undang-undang iya (Pem. 13:15-17)

Raban tugau mengkang talukka udang-undang Tuhan (Pem. 14:12)

Nyendiaka dunya belaban enggau Anak Domba (Pem. 17:12-14)

Besedia betemu enggau Tuhan iya (Amos 4:12)

Lebuh Jesus datai Iya munuh semua ti ngelaban Iya (Pem. 19:11-15)

Jesus mai enggau Iya orang ti arapka Iya (Pem. 19:6-8)

TIMPUH DITEJU SUNYI

"Dunya deka rusak lalu redak. TUHAN udah bejaku, lalu utai nya deka nyadi" (Isaiah 24:3)

Lebuh Jesus datai, semua orang kudus ba semua jeman deka diangkat; orang idup ke taluk deka diubah, sida sama deka niki ke serega enggau Jesus (*1 Tes. 4:16-17*).

Orang ti bedosa deka mati ba mua Jesus. Bangkai sida enda deka dikubur, lalu pengujung iya nadai tanda-tanda ke nunjukka utai agi bisi idup ba dunya (*Jer. 25:33; Pem. 19:17-21; Jer. 4:23-26; Isa. 24:3*).

Lebuh timpuh tu, Sitan enggau bala melikat iya deka dijil ba lubang kebung sepengelama seribu taun, lalu iya nadai agi ulih nipu orang (*Pem. 20:1-3*).

Lubang kebung (abyssos), endang engkeman bendar nerangka gaya dunya lebuh timpuh tu. Nadai agi orang, lalu bala antu nadai agi ulih nipu. Tu meh maya bala melikat ke udah ngelaban beperagam, utai ke nyadi tu ngerantai sida, lalu sida nadai ulih keluar ari dunya ke udah nyadi temawai sereta sunyi.



TIMPUH PENGAKIM

"Udah nya aku tepedaka mayuh kerusi diraja, lalu duduk ba kerusi diraja nya bala orang ke udah diberi kuasa ngakim. [...] Sida angkat idup baru lalu merintah enggau Kristus seribu taun" (Pemandang 20:4)

Enti pengakim udah nyadi sebedau penatai ti kedua, lalu Jesus mega udah bejalaika ukum, lalu meri pengidup meruan ngagai orang ti arapka lya, nama reti pengakim ti baru tu?

Udah bejeman pengelama Allah Taala mandangka pengasih enggau meri penyelamat ngagai barang sapa ti deka nerima. Lalu penyai mega dikemendarka ngerembai enggau penuh.



Lebuh timpuh pengakim, semua dunya enggau bala melikat ti taluk udah meda pengasih enggau pengelurus Tuhan lebuh ti mutarka penusah pengelaban enggau dosa. Ba mua sida diatu, asil ti bendar ari perintah Sitan: Dunya ti puang enggau tanah ke diteju sunyi.

Bala kitai ke masai diau ba menua munsuh sekumbang timpuh charut, diatu udah ditebus, kitai mega enda tau enda meda pengelurus enggau pengasih Tuhan. Ba pengakim seribu taun, kitai deka nemu enggau penuh pasal pengasih Tuhan sereta nemu penyai enda deka agi ngungkat (*Nah. 1:9*).

TIMPUH PENGIDUP ENGGAU PEMATI

"Hari deka datai, angkat baka api, lalu semua orang ke sumbung enggau semua orang ke ngereja penyai, deka nyadi baka bangkai rumput. Sida deka ditunu lebu hari nya, ku TUHAN ti Pemadu Bekuasa bejaku, ngambika sida nadai agi urat tauka dan" (Malaki 4:1)

"Tang ke kita ke nangika nama Aku, kuasa penyelamat Aku deka angkat atas kita baka mata hari, lalu ngeraika kita. Kita deka engkejuk baka anak sapi ti pansut ari bansal" (Malaki 4:2)

Ba pengujung timpuh seribu taun, orang ke bedosa lalu diangkatka baru. Nadai ubah nyadi ba sida, laban sida sekali agi, senurutka jaku Sitan, lalu belaban baru enggau Allah Taala pia mega orang ti kudus. Nya alai sida pen lalu ditunu ngena api (*Pem. 20:5-9*).

Sebedau sida dirusak ngena api, pengakim ti penudi lalu dibuka. Bup-bup tebuka, pengawa-pengawa sida enggau sida ke udah nulak kangau pengasih ari Roh kudus lalu ditemu orang mayuh. Semua nerima pengakim ari Tuhan, nya alai sida lalu meremika diri ba mua Iya (*Pem. 20:11-13; Isa. 45:23; Pil. 2:10*).



Laban ke udah nadai bulih pengidup ti meruan, sida lalu kena perinsa ba "pemati ti kedua," ke alai ba pemati tu nadai agi pengangkat (*Pem. 20:14-15; Mas. 37:20; Mal. 4:1; Isa. 26: 14*).

Pemati enggau dosa udah nadai agi. Tu meh maya alai ngendas semua ai mata lalu ngelantangka diri ba pengidup ti meruan (*Pem. 21:4*).



TIMPUH RINDU ENGGAU DIKERINDU

“Aku pegari di mua sida ari jauh. Kita orang Israel, Aku endang seruran rinduka kita. Nya kebuah Aku seruran ngayanka pengerindu Aku ti meruan belama iya ngagai kita” (Jeremiah 31:3)

Nama digaga kitai ba dunya baru sepanjangi pengidup meruan?

Regang Kristus lalu nyadi sains enggau lagu orang ti ditebus.

Ba emperan nebing sungai pengidup deka nyadi rumah bala nembiaik Tuhan.

Din, orang deka beperagam enggau ati ti gaga ba kuasa penengkebang ti besai.

Genap iti utai ke ulih digaga enggau penau ke dikembuan deka betambah.

Pengawa begigaka penemu enggau pemandai nadai ngasuh leju.

Pengawa ti besai ulih digaga, juluk ti pengabis manah ulih ngemantupka ati sereta ulih mega nyadi.

Pemar ke baru teputar, penyelai ke baru dipuji, pemendar ti baru ditemu, tuju ke baru deka najamka pengelandik ba tubuh, runding enggau roh.

Sida deka bebagika penemu enggau pangan diri pasal pengawa Allah Taala ke dipeda sida beratus taun.

Mulia penengkebang dipeda sida enggau terang: matahari, bintang, enggau sistem bukai ke beratur bejalai ngelingi penuduk Allah Taala.



“Laya Besai udah tembu. Dosa enggau orang ke bedosa nadai agi. Seluruh semesta alam udah beresi. Siti degup harmoni enggau pengaga ati didinga di seluruh alam semesta ti udah digaga Tuhan. Ari Iya ti udah nengkebang semua utai, pansut pengidup enggau penampak enggau pengaga, ngagai semua endur ti nadai pengabis. Ari atom ti pemadu mit ngagai dunya ti pemadu besai, semua utai, idup enggau enda idup, dalam pemanah gamal ti nadai petik enggau pengaga ti sempurna, semua madahka Allah Taala nya meh pengerindu.”

